

ՆՐԲ Է ԿԱՌՈՒՑՎԵԼ ԳՆԴԵՎԱՆՔԸ

ԱԼԵՔՍԱՆԴՐ ՄԱՆՈՒՉԱՐՑԱՆ

Գնդեվանքը գտնվում է Արփա գետի ձախ ափին, Ազիզբեկովի շրջանի Գնդեաղ գյուղից հարավ-արևմուտք։ Ժամանակին այն եղել է Հայաստանի նշանավոր հոգեւոր ու մշակութային հաստատութիւններից մեկը։ Այժմ պահպանվել են գլխավոր եկեղեցին, գավիթը, շրջապարիսպները և միաբանութեան բնակելի տների ավերակները։ Եկեղեցին քառախորան, գմբեթի կլորավուն թմբով շինութիւն է։ Պատերը զարդարված են երկուական որմնախորշերով։ Քառախորան եկեղեցիների այս տիպն առաջ եկավ IX—XI դդ. Սյունիքի հարտարայետական գպրոցում և հանդիպում է հիմնականում երկու տարբերակով՝ երկու և չորս ավանդատներով, որոնցով և պայմանավորված է քննվող եկեղեցու արտաքին պատերի հորինվածքը։

Գնդեվանքի եկեղեցին ունի բեմական խորանի կողքերին տեղադրված երկու ավանդատուն, որոնց լայնութիւնը թեթևակի զիջում է հյուսիսային և հարավային թևերի մեծութեանը։ Դրա հետևանքով արտաքուստ նկատելի է եկեղեցու ներքին խաչաձև հորինվածքը։ Գավիթը թափափակ է։ Հյուսիսային կողմում կան երկու սենյակներ, որոնք Ս. Մնացականյանի կարծիքով եղել են դրատներ¹։

Ճարտարապետական արժանիքներից բացի, եկեղեցին ունի նաև մեծարվեստ որմնանկարներ (նկ. 1)։



Նկ. 1. Որմնանկար։



Նկ. 2. Սոփի իշխանուհու արձանագրութիւնը։


¹ Ս. Մ. Մնացականյան, Архитектура армянских притворов, Ереван, 1952, стр. 26.

Ստեփանոս Օրբելյանի կարծիքով, վանքը հիմնել է Սյունյաց իշխանուհի Սոփիան. յես Սոփիա տիկին՝ կին Սմբատայ աստուածապահ տեառն Սիւնեաց և դուստր Գրիգոր Դերենկի շինեցի զեկեղեցիս ի յիշատակ հոգւոյ իմոյ և յարեւշատութիւն իշխանաց իշխանին Սմբատայ և որդեկաց մերոց և զարդարեցի զսա մեծածախ սպասիւք և ետու զերկու գիւղս ժառանգութիւն սմա զոր մի ոք իշխեսցէ խախտել կամ հանել ի սուրբ եկեղեցւոյս ապա թե ոչ անլուծանելի նզովիւք անիծեալ լիցի յԱստուծոյ և յաստուծագումար սրբոցս մատանի իւր անակն վայոց ձոր, շինեցի զսա եւ եղի ի վերայս²։

Գնդեվանքի արեւմտյան պատի վրա մասնակի տարբերություններով վիճադրված են ընդգծված բառերը (նկ. 2)։



նկ. 3. Սոփի իշխանուհու շինարարական արձանագրությունը։



նկ. 4. Եղիշայի արձանագրությունը։

ԸՐԱՏԱՆԻ
ԷՐ ԱՆԱԿՆ Ե-
ԴԻՐ ՍՈՓԻ ՄԻԻ-
ԻՆԵԱՅ ՏԻԿԻՆԻ

.....

Ինչպես հայտնի է, նույն բովանդակությամբ կիսանդժ արձանագրություն էլ կա եկեղեցու մոտ ընկած քարերից մեկի վրա.

...ԱՆԱԿՆ
ԱԿՆ ԵԴԻ ՍՈՓԻ ՍԻ-
ԻՆԵԱՅ ՏԻԿԻՆԻ... ԱԻՈՐԵՅ

² «Պատմութիւն նահանգին Սիսական արարեսու Ստեփաննոսի Օրբելեան արքեպիսկոպոսի Սինեաց», Թիֆլիս, 1910, էջ 262—263 (ընդգծումը մերն է—Ա. Մ.)։

³ «Իրվան հայ վիճագրության», պրակ III, Երևան, 1967, էջ 13։

Օրբելյանի բերած արձանագրությունը թվական չունի: Այդ բացը պատմիչը լրացրել է այլ տեղեկությամբ: Մանրամասն նկարագրելով Սոփի իշխանուհու շինարարական ձեռնարկումները, նա գրում է, որ վանքը հիմնելու համար իշխանուհին այստեղ է բերել արհեստավորներ, քարգործ վարպետներ և նկարիչ Եղիշային⁴. «Կանգնեց գտունն Աստուածոյ և նկարակերտ յօրինուածօր յարդարեն զառաստաղս և զորմոտս նորա»: «Եւ շինեց զգիւղն ի վերոյ վանիցն ի գլուխ քարին»: «Եւ այս լինէր ի թուականին հայոց 385» (936)⁵. Թե ինչ սկզբնաղբյուրից է պատմիչը վերցրել այս թվականը, մնում է անհայտ, որովհետեւ եկեղեցու արևմտյան պատի հարավային անկյան մոտ գտնվող, այս պատն սովանդող շինարարական արձանագրությունը թվական չունի (նկ. 3):

ԵՍ ՍՈՓԻ ՍԻՆԵԱՅ ՏԻ-
ԿԻՆ ԴԵՐԱՆԿԻՆ (Կ) ԴՈՒՍ-
ՏՐ, ԿԻՆ ՍՄՊԱՏԱ, ՈՐԴԻ
ԱՇՈՏԻ ՍԻՆԵՅ ԻՇԽԱՆ-
Ի ՇԻՆԵՅԻ ԶԵԿԵՂԵՅԻՍՅԱՆ...

Մասնագիտական գրականության մեջ ընդունված է Գնդեվանքի եկեղեցին թվագրել 936-ով, որը, սակայն, ժխտվում է Գնդեվանքը նկարագրող Եղիշայի անվամբ հայտնի, եկեղեցու հարավային պատին փորագրված մեկ այլ արձանագրությամբ (նկ. 4):

ՅԶ (931) ԹՐՈՒԱԿԱՆԴԻՍ ԵՍ Ե-
ՂԻՇԱ Ի, Զ(6). ԿԱ-
ՐԳԻՍ ԱՌԱ-
Զ ԱՐԱՐԻ ԱՌ-
ԱՌԱՋՆՈՐԴՈՒ-
ԹԵԱՄԲ ՍԱՐ-
ԳԻՍ ՔԱՀԱՆ-
ԱԻ, ՈՐ ԿԱՐԴԱ-
Ք ՏՐ ՈՂՈՐՄ
Է ԱՍԱՑԷՔ

Այս արձանագրությունը հրատարակել են Քաջբերունին, Ալիշունը, Սիսուեր և Ս. Բարխուդարյանը: Քաջբերունին անդրադարձել է միայն վանքի վրա եղած նորոգման նշաններին⁷: Սիսուեր վկայակոչելով Ստ. Օրբելյանին, գրում է, որ արձանագրության և պատմիչի հաղորդած տեղեկությունները գրեթե համապատասխանում են⁸: Սիսուեր պարզապես անտեսում է թվագրության խնդիրը: Այս հարցին ըստ էության պատասխանում է Ալիշունը, որի ենթադրությամբ հիշյալ արձանագրությունը պատկանում է ավելի վաղ կառուցված շին-

⁴ Ստ. Օրբելյան, էջ 260:

⁵ Ստ. Օրբելյան, էջ 281:

⁶ «Դիվան հայ վիմագրության», պրակ III, էջ 14:

⁷ Քաջբերունի, Ճանապարհորդական նկատողությունք («Փորձ», 1877/78, էջ 354—355):

⁸ «Материалы по археологии Кавказа», вып. XIII, М., 1916, стр. 149, 152.

նություններից մեկին՝ զանգակատանը⁹։ Ալիշանի այս կարծիքը հիմնված է Ջալալյանցի ու Քաջբերունու հաղորդած տեղեկությունների վրա, որոնք վկայում են, թե արձանագրությունը փորագրված է եղել զանգակատան պատին։ Ջալալյանցի ժամանակ զանգակատունը դեռևս կար, իսկ Քաջբերունու ժամանակ դմբեթն ավերված էր։ Նոսքը եկեղեցու վրա դրված ուշ շրջանի զանգակատան մասին է, որը 931 թ. թվագրվել չի կարող։ Արձանագրությունը փորագրված է եկեղեցու արևմտյան թևի հարավային պատին։ Ինչ վերաբերում է հին շինությունների դոյությունը, ապա այդ վարկածի պատճառը Ստ. Օրբելյանն է, որի հաղորդած տեղեկությունների համաձայն, մինչ այդ վայրում եկեղեցի կառուցվելը Սոփիին այցելել է այնտեղ և տեսել ճգնավորներին, որոնցից մեկի՝ Գնդունու, անունով էլ վանքը կոչվել է Գնդավանք։ Իրականում, սակայն, շինություններ չեն եղել։ Ճգնավորների գոյությունն ինքնին վկայում է, որ այդտեղ ոչ թե միաբանություն է եղել, այլ վայրի կենցաղով ապրող ճգնավորներ։ Վերջապես, 931 թ. արձանագրության հեղինակ Նղիշան, ըստ Օրբելյանի, հենց այս եկեղեցու կառուցման մասնակից է։ Ս. Բարխուդարյանն այս հարցին չի անդրադարձել, իսկ հիշյալ ու ժամանակակից հեղինակները որպես հիմք ընդունել են Ստ. Օրբելյանի հաղորդած 936 թ.¹⁰։ Նղիշայի 931 թ. արձանագրության առկայությունը եկեղեցու պատին մերժում է նրա 936 թ. կառուցված լինելու հնարավորությունը, քանզի այդ արձանագրությունը չէր կարող տեղավորվել գոյություն չունեցող շինության պատին։ Քանի որ արձանագրությունը շինարարական չէ, 931 թ. ևս չի կարող ընդունել որպես եկեղեցու կառուցման տարեթիվ։ 931 թ. ավարտված է եղել ոչ միայն եկեղեցու կառուցումը, այլև նկարազարդումը։ 931 թ. շինարարական աշխատանքների սկզբնավորման տարեթիվ էլ չէ, որովհետև առանց եկեղեցու տանիքի կառուցման նկարազարդումը չէր սկսվի։ Հետևաբար, եկեղեցու կառուցման և ավարտի ժամանակը պետք է թվադրել դրանից մեկ-երկու տարի առաջ, այսինքն 931 թ. հանելով այն տարիները, որոնց ընթացքում կարող էր ավարտված լինել նկարազարդումը։

КОГДА БЫЛ ПОСТРОЕН ГНДЕВАНК

АЛЕКСАНДР МАНУЧАРЯН

Резюме

Монастырский комплекс Гндеванк находится у левого берега реки Арпа, юго-западнее села Гндеваз. Комплекс состоит из одной церкви, притвора, крепостных стен и развалин жилых помещений.

⁹ Ալիշան, Սիսական, Վենետիկ, 1893, էջ 106։

¹⁰ Ս. Մանուչարյան, Հայ ճարտարապետության Սյունիքի դպրոցը, Երևան, 1960, էջ 50, Գ. Գրիգորյան, Սյունիքի վանական կալվածատիրությունը XI—XIII դդ., Երևան, 1973, էջ 52—74, В. М. Арутюнян, С. А. Сафарян, Памятники армянского зодчества, Ереван, 1951, стр. 50, «Ազգագրական հանգես», XXVI, էջ 8, Օ. Егнazarян, Памятники культуры Азизбековского района, Ереван, 1955, стр. 95.

Церковь имеет трехапсидную композицию, увенчанную куполом с круглым барабаном. Перекрытие притвора арочное. Интерьер расчленен двумя небольшими комнатами, в которых, по мнению исследователей, располагалась монастырская библиотека.

Согласно Ст. Орбеляну, церковь была построена сюникской княгиней Софией в 936 г. Для построения храма и его декоративной отделки она пригласила строителей и художника Егишу, который расписал плафон и стены. Сохранилась надпись художника Егиши, датированная 931 г. Наличие надписи 931 г. исключает возможность построения храма в 936 г. В специальной литературе построение Гидеванкского монастыря датируется 936 г. Однако эта датировка неточная. Судя по надписи Егиши, в 931 г. церковь не только была построена, но и расписана фресками.